

Ղ. ԱՂԱՅԱՆԻ ՓԻՒՄՈՓԱՅԱԿԱՆ ԵՎ ԱՌՑԻՈՒՈՐԻԱԿԱՆ
ՀԱՅԱՅԳՆԵՐԻ ՇՈՒՐՁԸ

Ա. Ն. ԱՎԹԱՆԳԻՅԱՆ

Ղազարոս Աղայանը ակառավոր գրող լինելուց բացի, հանդես է եկել բազմաթիվ հրապարակախոսական հոդվածներով, լեզվաբանության, մանկավարժության և փիլիսոփայական հարցերի շուրջը դրել է արժեքավոր նամակներ ու աշխատություններ, որոնք ուրույն տեղ են դրավում հայ մանկավարժության, լեզվաբանության և փիլիսոփայության պատմության մեջ: Սակայն, պարստարար, Աղայանի թե՛ մանկավարժական ու լեզվաբանական և թե՛, մանավանդ, փիլիսոփայական հայացքները պատշաճ կերպով չեն ուսումնասիրված:

Ողևորված մեծ ուսուցիչին-ղեկավարներ Բելինսկու, Գերցենի, Չերնիշևսկու, Դոբրոլյուբովի, Նալբանդյանի և նշանավոր ուսուցիչ-մանկավարժ Ուշինսկու դադափարներով, Աղայանը նվիրվում է հայ ժողովրդի լուսավորության ու կրթության դրժին: Ղ. Աղայանի աշխարհայացքի ճիշտ գնահատման խնդրում այսօր էլ մեզ համար մարքսիստական արժեքավոր փաստաթուղթ է Ստեփան Շահումյանի՝ Ղ. Աղայանի գրական գործունեության 40-ամյակին նվիրված ճառը: Այս հոդվածը մի փորձ է՝ տալու Աղայանի սոցիոլոգիական և փիլիսոփայական հայացքների մի քանի կողմերի համառոտ գնահատականը:

Ղ. Աղայանը, իր առաջադեմ աշխարհայացքով մի գլուխ բարձր լինելով ժամանակի բուրժուական ինտելիգենցիայից, XIX դարի հայ իրականության պայմաններում, այնուամենայնիվ, չկարողացավ վերջնականապես ազատագրվել իդեալիզմի կապանքներից և, չնայած իր մի շարք մատերիալիստական ճիշտ գրույթներին, հանդես գալ որպես հետևողական մատերիալիստ:

Եթե սկզբնական շրջանում Ղ. Աղայանը, համապատասխան բնագիտական գիտելիքներ չունենալու պատճառով և հետևելով Բոքլին, նրա պես չէր բնորոշում հատկությունների ժառանգականությունը, ապա հետագայում, բնթերցելով Դարվինին, Ֆոխտին, Հելմհոլցին և ծանոթանալով գիտության նվաճումներին, համոզվում է, որ Բոքլը սխալվել է, երբ ժխտել է հատկությունների ժառանգականությունը: «Բոքլը չէր բնորոշում հատկությունների ժառանգականությունը, — գրել է Աղայանը, — ես էլ ինձ իրավունք չէի համարում չհավատալ, բայց հետո այդ խնդիրը շատ արծարծվեց և պարզվեց, այնպես որ՝ եթե Բոքլը ողջ մնար, կխոստովաներ իր սխալը: Սրա պատճառն այն էր, որ բնական գիտությունները դեռ նոր էին ծլում և ծաղկում: Համալսարանի բնական պատմության բաժնի ուսանողները ոչ մի մտավոր սնունդ չէին ստանում, այժմյան գիտությունը չկար: Դարվին, Ֆոխտ, Հելմհոլց և ուրիշ շատերը նոր էին ծանոթացվում ուսաց գրականության մեջ և այն էլ ոչ ամբողջապես, այլ քաղվածքով միայն կամ կտորկտոր»¹:

Սակայն ինչպես ինքը՝ Աղայանն է խոստովանում «Իմ կյանքի գլխավոր դեպքերը» մեմուարում², փիլիսոփայական այդ կարևոր հարցերն իրենց հետագա արտացոլումը չեն գտնում իր աշխատություններում և նրա արտահայտած մատերիալիստական մտքերը էջմիածնի հոգևոր դրաքնության պահանջով ջնջվում են: Եվ բոլորովին էլ պատահական չէր, որ Աղայանը փիլիսոփայության հիմնական հարցի լուծմանը մոտենում էր գուտ նոմինալիստական դիրքերից: Այն հարցին, թե ո՞րն է առաջնային՝ առարկա՞ն, թե՛ իր անունը, Աղայանը պատասխանել է. «Անշուշտ, առարկան նախագույն է, թեև արժանահիշատակ Մխիթարյանը դադափարը բացառապես, առարկայից նախագույն էին համարում»³: Կասկածից դուրս է, որ Աղայանը խուսա-

1 Ղ. Աղայան, Երկեր, հատ. 3, էջ 147:

2 Նույն տեղում, էջ 117:

3 Նույն տեղում, էջ 250:

փել է այդ հարցի արժատական լուծումից, ցուցաբերելով իր անհետևողականությունը: «Խորհրդածությունը դաստիարակության վերա» աշխատությունում (1869) ավելի ակնառու են Աղայանի իդեալիստական հակումները, նրա կարծիքների հակասականությունը: Խոսելով մարդու հոգեկան ու ֆիզիկական կողմերի միասնության մասին, նա գրում է. «Մարդը, բոլոր ներքնային, զանազանվում է անասունից յուր անմահ հոգովը և բանականությամբ: Բանականության սկզբնապատճառը նորա միտքն է, որ է հավարումն տպավորությանը արտաբուստ ի ձևն ներքին և արտաքին զգայարանաց, իսկ հոգին մարմնո կենդանությունն է և նորա սկիզբն ու վախճանը, որ ծագում է աստծուց և դառնում դարձյալ գեղի նա: Ասել է, թե մարդը ունի մարմին, հոգի և միտք և դորա երեքը ի միասին են կազմում մարդուս ամբողջ գոյությունը»⁴:

Աղայանի տատանումները իդեալիզմի և մատերիալիզմի միջև, անշուշտ, խոսում են նրա աշխարհայացքի թույլ կողմերի մասին: Սակայն Աղայանի արտահայտած առողջ մտքերը ցույց են տալիս, որ նա ամեն կերպ աշխատել է հեռանալ իդեալիզմից և միատիկացից: Այդ երևույթն հատկապես նկատվում է փիլիսոփայական այնպիսի հարցերի առնչությամբ, ինչպիսիք են իմացության տեսությունը, էթիկան և էսթետիկան: Աղայանը հանդես է գալիս որպես սենսուալիստ-մատերիալիստ: Նա ընդգծում է, որ հոգին ենթակա է բնությանը և բոլոր նյութերն ու երևույթները ենթակա են բնության զործող ընդհանուր օրենքներին: Մարդու հոգեկան զործունեությունը Աղայանը վերագրել է մարդու ուղեղին, զբաղվելով իսկ գիտակցությունը ենթակա է դարձրել նյութական սուբստրատին: Ճիշտ մոտենալով փորձի գերի նշանակությանը, նա միաժամանակ առաջադրում է զգայական և բանական ճանաչման միասնականությունը: Այսպիսով, որպես ճանաչողության աղբյուր Աղայանը ընդունում է ոչ թե տրամաբանորեն հիմնավորված միտքը, այլ փորձը: «Փորձ, զգայարանը և միտք,—գրում է նա,—այնպես կախում ունեն միմյանցից, որ առանց միևի մյուսը ունի է: Փորձերը տպավորվում են զգայարանաց վրա, զգայարաններն այդ տպավորությունը հաղորդում են մտքի այս կամ այն հատկությունը, որով նորա սկսում են աճել ու զարգանալ»: Այնուհետև, զարգացնելով վերոհիշյալ միտքը, Աղայանը շարունակում է. «Չենք սխալվիլ, եթե ասենք ես, թե զգայարանաց հաղորդությունը տպավորվում են ուղեղի վրա: Ճարմանալի չէ ամենևին, եթե ուղեղը, որ նուրբ չիղերով կապակից է մարմնո բոլոր մասերի հետ, իր զարմանալի շինվածքին համեմատ, ունենա և զարմանալի հատկություն, այսինքն տպավորել յուր վերա զգայարանաց հաղորդությունը և նոցա միմյանց հետ համեմատելով կազմել հասկացողություն»⁵: Աղայանը առանց երկմտելու ընդունել է արտաքին աշխարհի ներգործությունը մեր զգայարանների վրա, օրյակտիվ աշխարհը պատկերացնելով որպես մեր ճանաչողության միակ աղբյուրը, միաժամանակ մտածողությունը նույնպես համարելով չեղյալ իրականության ներգործության արդյունք: Այսպիսով, փորձ հասկացողությունը Աղայանը մեկնաբանել է հայեցողական ոգով:

Աղայանը խորապես հավատացել է մարդուն՝ բնությունը ճանաչելու ընդունակություններին: Նա գրել է. «Մարդուս մտքի զարգացումը ընդհատումն չունի, չկա մի նշանակյալ կետ, որու վրա կարելի լինի կանգ առնել»⁶: Աղայանը ֆրանսիական մեծ փիլիսոփա Թեոֆիլ Դեկարտի նման պահանջել է սկեպտիկորեն վերաբերվել հակադիտական, միատիկական հասկացողություններին և ոչ մի սահման չդնել կասկածի առաջ: «Արություն և Մանվել» վեպում այս առթիվ նա գրել է. «Ազատ մտածելու առաջին քայլը երկմտելն է: Մարդ մինչև չերկմտի, թե ուղի՞ղ է արդյոք իր այս կամ այն համոզմունքը, չի էլ կարող նրա սուտն ու ճշմարիտը իմանալ: Երկմտությունը շարունակում է Աղայանը,—անխնա բարոյաբանը է անում դարերով սրբացած մի մտավոր ու բարոյական աշխարհի բոլոր խախուտ շենքերը»⁷: Սակայն Աղայանի սկեպտիցիզմը առողջ սկեպտիցիզմ է, քանի որ այն ուղղված է միջնադարյան սխոլաստիկ զաղափարախոսության դեմ: Ըշմարտության հասնելու ճանապարհը, Աղայանի պատկերացումով, հնարավոր է անցնել, թեև այն կապված է հազար ու մի խոչընդոտների և դժվարությունների հետ. «Ինչ որ մեր մտքովը չի անցել, կանցնի մի ուրիշի մտքով և լույսի պես կտարածվի ամենի վրա: Ինչ որ այսօր անհնարին է, վաղը հնարավոր է դառնում, որովհետև այդ հնարքը եթե մի աշխարհում չի գտնվում, գտնվում է մի այլ աշխարհում և դառնում է ամենի սեփականությունը»⁸: Այս բժրոնումից ել-

⁴ Ղ. Աղայան, Երկեր, հատ. 4, էջ 10:

⁵ Նույն տեղում, էջ 29:

⁶ Նույն տեղում, էջ 30:

⁷ Ղ. Աղայան, Արություն և Մանվել, էջ 90—91:

⁸ Ղ. Աղայան, Երկեր, հատ. 4, էջ 30:

նելով, Աղայանը կոչ է արել զիտնականներին «գտնելու բնության բնականորեն օրենքները և կյանքի երևույթները»⁹:

Հենվելով Մ. Նալբանդյանի այն դրույթի վրա, թե «զիտությունը բուն պաշարից սկսել կարելի չէ, վասնզի մարդու խելքը կարող չէ (ուղղակի) զերզայական առարկաների լինելությունը հաստատել», Աղայանը գտնում է, որ ճանաչողությունը կարող է առաջանալ միայն ու միայն փորձից¹⁰: Դրանով իսկ նա հանդես է գալիս ինտուիտիվ ճանաչողության թեորիայի դեմ:

1860-ական թթ. Աղայանը, լինելով կրոնական «Արարատ» ամսագրի խմբագիրը, փորձում է նրան տալ նոր ուղղություն: «Արարատ»-ը իմ ձեռքբերում,—գրել է Աղայանը,—կրոնական դրոշմ չէր կրում իր վրա, բարոյակրթական էր և զարգացուցիչ»¹¹: Աղայանն օգտագործում էր հոգևորականության օրդանը և այնտեղ տպագրում փիլիսոփայական բնույթ կրող իր հոդվածները, խարաղանելով միաբանությունը, որը «երեսի քրտինքով հաց ուտելու սովոր չէր, չէր աշխատում, չէր սովորում, չէր ինքնակրթվում»¹²: Եվ բոլորովին էլ պատահական չէր, որ Այվազովսկին, իր ունակցիոն հայացքներով հիմնովին տարբերվելով նշանավոր ծովանկարիչ և գրողից, շատ խիստ հետևություններ է կատարել Ղ. Աղայանի հակակրոնական հոդվածներից. «Այս թշվառ հոգվածը (խոսքը «Խորհրդածություն պատարակության վերա» հոդվածի մասին է—Ա. Ա.) իմ կրոնական պաշարները ձգել տվավ կասկածի տակ»: Այդ առիթով Այվազովսկին Պետրոս Լպիսկոպոսին ասել էր. «Արարատում» անաստված բաներ են տպվում, իսկ վեհափառը դրա վրա ուշադրություն չի դարձնում»¹³:

Բացահայտելով հոգևորականության բոլոր մութ կողմերը, Աղայանը համարձակորեն ցույց է տալիս, որ հոգևորականությունը ոչ միայն դեմ է եղել զիտությանն ու լուսավորությանը, այլև ձգտել է «զրկել մարդկանց խելքից և առողջ պատողությունից, կեղծիքը ցույց տալ որպես ճշմարտություն, իսկ ճշմարտությունը՝ որպես կեղծիք»¹⁴: Աղայանը խարաղանում էր հոգևորականների անբարոյական արարքները, նրանց զործադրած անօրինականությունն ու բարոյալքվածությունը, մերկացնում զիտության, լուսավորության, աշխարհիկ լեզվի և զրականության նկատմամբ ցուցաբերած նրանց թշնամական վերաբերմունքն ու տգիտությունը: Նա գտնում էր, որ կրոնի միակ խնդիրը ժողովրդին մոլորության մեջ պահելն է: Աղայանին ուղղված նամակներից մեկում Եղեկյանը գրում էր. «Ընդունելով առաքինությունը, դյուցազնությունը, որոնք կրոնի հիմունքն են, չեմ կարող համամիտ գտնվել քեզ հետ, թե ժողովրդին մոլորության մեջ պահելը կրոնն ասած բանի միակ պահանջը լինի: Ես այն թե նենգավոր կրոնապաշտների պահանջն է այդ, դրան լիովին համաձայն եմ»¹⁵:

Աղայանը գտնում էր, որ եկեղեցականներին չէ, որ պիտի հետևի հայ ազգը, այլ աշխարհիկ մտավորականությանը, որն ազգի կրթողն է հանդիսանում, մատակարարում է նրան արվեստ և զիտություն, որոնցից «իրավադուրկ է եկեղեցական պասակարգը իր կաթողիկոսներով ու պատրիարքներով»¹⁶: 1909 թ. գրած «Գլուխ, թե զխարկ» բանաստեղծության մեջ՝ նվիրված Ս. Սամկոնյանին, որը այն ժամանակ Թիֆլիս էր եկել ու ժողովներ էր դումարել տալիս կաթողիկոսական հարցի առթիվ, նա ասում է.

Երբ որ բնություն լինեք ձեռնամուխ,
Դուք զխարկ կրնտրեք և ոչ թե զլուխ,
Ի՞նչ է վեղարը, եթե ոչ զխարկ,
Որ պարփակում է մի զլուխ պատարկ:

Ղ. Աղայան, Երկեր, հատ. 3, էջ 91:

¹⁰ «Տարազ», 1893, № 4:

¹¹ Ղ. Աղայան, Երկեր, հատ. 3, էջ 118:

¹² Նույն տեղում, էջ 116:

¹³ Նույն տեղում, էջ 118:

¹⁴ «Գրական ժառանգություն», էջ 426:

¹⁵ Հայկական ՍՍԽ ԳԱ Գրականության և արվեստի թանգարան, Ղ. Աղայանի արխիվ, գործ № 304:

¹⁶ Նույն տեղում, գործ № 65:

Կուղեք ընտրեցեք մի աշխարհական,
 Թող լինի անգամ մի մեծ գիտնական,
 Բայց չէ՞ որ նա էլ վեղար պիտ կրի,
 Եվ ինչ որ սե է՝ նրան համակրի:
 Ուրեմն էլ ի՞նչ մտմտալ իզուր
 Թե վեղարներինց որն է բուրթ կամ սուր...¹⁷:

Աղայանի պնդումով եկեղեցական դասակարգը միշտ արգելք է հանդիսացել «ազգային քաղաքակրթության հառաջդիմության և ազատության շարժման հարցերում»¹⁸:

Աղայանը ցույց է տվել նաև, որ կրոնն ու եկեղեցին ծառայել են տիրողներին՝ իբր բռնության գործիք: Նա գրել է. «Պետք է գիտենաս, թե քուրմ է եղել, թե հրաշագործ, թագավորի հրամանով են անում, ինչ որ անում են, իսկ թագավորը նրանց գործ է ցույց տալիս»¹⁹: Ուշադրության արժանի է, որ Աղայանը աստծուն «անգութ մովրով» է անվանել: Նա կրկնել է Թադիսայանի ծաղրը թքամանի թանաքաման դարձնելու մասին: Ավելին՝ ուժեղացնելով այդ ծաղրը, նա ասում էր, թե իր օրով տեսել է, որ «Վեհաբանում» թքամանը թագավոր է դառնում, խաչգողներին զերազանցելով և ինքը՝ Աղայանը բնկել է իսկական թզուկների աշխարհը²⁰: Այդ թզուկների աշխարհում հալածվում է իսկական գիտությունը և պաշտպանվում է «մթնաբանություն» խաղակերթ արեղանների կողմից:

«Ժամանակակից ատենախոսություն» աշխատության մեջ, կանգ առնելով գիտության և կրոնի հարաբերակցության հարցի վրա, Աղայանը գտնում է, որ կրոնը, իբրև մի հոգեբանական երևույթ, իբրև երևակայության ու հավատքի արդյունք, հետազոտելի ու ուսումնասիրելի առարկա է և ոչ թե հետազոտող և ուսումնասիրող: Ըստ Աղայանի, ուսումնասիրող առարկան գիտությունն է, որ «խելքի, փորձառության և հանճարի արդյունք է և ոչ հավատի»²¹: Աղայանը գիտությունը բարձր էր դասում կրոնից՝ գտնելով, որ «մարդու միտքը հսկայական քայլերով զարգանալով... ետ է թողնում իրանից կրոնը, իր բոլոր հավատալիքներով»: Նշելով, որ եթե առաջ մարդիկ իրենց փրկությունը կրոնի մեջ էին որոնում, ապա այսօր ապավինում են գիտությանը, Աղայանը միևնույն ժամանակ խարազանում էր քահանաներին և մյուս եկեղեցականներին, ցույց տալիս, որ կրոնը դարձել է ժողովրդին կեղեքելու միջոց: «Այսօր,—գրում էր նա,—այլևս կրոնի ետևից վազող չկա հոգու փրկության համար և եթե կան, այդ միայն մարմնի համար է, բարեկեցության համար է և ոչ երբեք հոգու փրկության»²²: Սակայն կրոնի հարցում ևս Աղայանը դրսևորեց իր անհետևողականությունը: Նա չկարողացավ բարձրանալ մինչև աթեիստական դիրքերը և սկզբնական շրջանում նույնիսկ քարոզում էր գիտության ու կրոնի հաշտություն, ներդաշնակություն, շնայած, որ բազմիցս նշել է գիտության զերազանցությունը կրոնի հանդեպ: Աղայանը շատ անգամ պաշտպանել է «հայոց եկեղեցին» կրոնի հետ կապ չունեցող քաղաքական նպատակներով: Բարխուդարյանին զբաժնավորում նա այն միտքն է հայտնում, որ «այսօր կրոնին չի կարելի նայել կրոնական դիրքերից, այլ հարկավոր է նայել միայն քաղաքական դիրքերից»²³:

Աղայանը ծաղրել է թեոլոգների «անտրոպոմորֆիստական պատկերացումները. «...Աստված մարդ չէ, մարդկային ոչ մի հատկություն չունի, նա ոչ մարմնեղեն է և ոչ օղեղեն, նա չունի ոչ ականջ, ոչ լեզու, ոչ աչք և ոչ ձեռք: Նա ոչ տալիս է և ոչ առնում, ոչ լսում է և ոչ խոսում: Ամենից մեծ հիմարությունը, որ մարդն ունի, այդ այն է, որ իր ստեղծողի մասին ճիշտ գաղափար չունի»²⁴: Սակայն նման խիստ բացասական վերաբերմունքը աստուծո նկատմամբ դեռ չի նշանակում, թե Աղայանը ամբողջությամբ բացասում է նրա գոյության գաղափարը: Այս հարցում Աղայանի մոտ մենք գտնում ենք ավելի շուտ դեիստական մոտեցում: Ահա «Օրենք» բանաստեղծությունը, որտեղ նա պաշտպանում է Կոստանտինոպոլի ղեկավարների կոնցեսսիան.

¹⁷ «Մամուլ», Թիֆլիս, 1911, № 6:

¹⁸ Հայկական ՍՍՌ ԳԱ Գրականության և արվեստի թանգարան, Ղ. Աղայանի արխիվ, գործ № 65:

¹⁹ Ղ. Աղայան, Հեթիաթներ, էջ 208:

²⁰ Ղ. Աղայան, Երկեր, հատ. 3, էջ 131:

²¹ Ղ. Աղայան, Ժամանակակից ատենախոսություն, էջ 26:

²² Նույն տեղում:

²³ «Գրական ժառանգություն», էջ 562:

²⁴ «Սովետական դրականություն», 1941, № 3:

Մեր երկրագունդը
Արևի մասն է,
Նրա ծնունդը:

Ի՞նչ կա աշխարհումս,
Որ իր ծագումը
Արևից չառնե՞ր,
Որ նրա լույսից
Ու ջերմությունից
Կախում չունենար:

Ծով է, թե ցամաք,
Մար է, թե անտառ,
Շեն, թե անապատ,

Ամեն, ամեն ինչ
Նրան է նայում,
Նրան հետևում:

— Եւ այց ինչու աստված
Երկրի խնամքը
Հանձնել է այդպես
Մի արևիկի...:

— Այդպես է աստված...
Նա տիեզերքի
Անհունության մեջ
Ծածկել է իրան:

Իսկ իր ստեղծած
Արեգակներին
Իրավունք տվել
Ինքնավարության:

Օրենք է դրել
Տիեզերական.
Ոչ մի ստեղծած
Եվ ոչ ստեղծող
Իրավունք չունի
Գործել ինքնիշխան...25:

Աղայանը հաստատում է, որ աստված ստեղծված է մարդու կողմից, նրա «տհաս խելքով և երևակայությամբ»: Սակայն Աղայանի աշխարհայացքի հակասությունները, անշուշտ, անդրադարձել են նաև նրա հակակրոնական հայացքների վրա: Մի կողմից նա հաստատում է, որ հավատը գերբնական ուժերի նկատմամբ ոչ մի առնչություն չունի գիտության հետ և համարում է մարդու տհաս մտքի արդյունքը, իսկ մյուս կողմից երազում է երկինքը իջեցնել երկրի վրա և նրա օգնությամբ պայքարել սոցիալական անարդարությունների դեմ:

* * *

Ըմբոստանալով կապիտալիզմի և նրա բարբարոսական օրենքների դեմ, Աղայանը ոչ միայն քննադատել է տիրող անարդար կարգերը, այլև միաժամանակ երազել է լավագույն և արդառ կարգերի ստեղծման մասին: Մասնավոր սեփականությունը նա համարել է բոլոր շարիքների աղբյուրը, ցույց է տվել, որ մարդկության ապագան, նրա առաջընթացը, կապված է մասնավոր սեփականության վերացման և համայնականի հաստատման հետ: Դեռևս 1893 թ. Աղայանը լավատեսությամբ հուսացել է, որ «երկրի վրա կտիրեն ընդհանուր եղբայրություն, փոխադարձ սեր և հարգանք»: Այստեղ ուշադրավ է նրա այն կարծիքը, թե «մարդն այս աստիճանին հասնել կարող չէ առանց կռվի», թե «այս կռվի մեջ նա կհանդիսանա հաղթող... իսկ կջախջախվի նա, ով չի հակառակ կհանդիսանա դրան, թեկուզ րոտ երևույթին նա շատ զորեղ թվա»²⁶: Այս առաջավոր գաղափարները իրենց հետագա զարգացումն են գտնում «Քյոռ-օղլի», «Երկու քույր» և այլ երկերում: «Տորք Անդեղ» պոեմում և հատկապես «Ժամանակակից ատենախոսություն» աշխատության մեջ Աղայանը հանգել է այն եզրակացության, թե «ընդհանուրի շահը ընդհանուր սեփականության մեջ է գտնվում»²⁷:

Որպես դեմոկրատ-լուսավորիչ, Աղայանը հասարակության զարգացման աղբյուրը համարել է գիտությունը և լուսավորությունը: Սակայն մենք չենք կարող անտեսել, որ նա կարողացել է հասկանալ նաև տնտեսականի դերը այդ խնդրում: «Ժողովրդի բարոյական վիճակը, — գրել է նա, — նրա տնտեսական վիճակից կախում ունի, իսկ տնտեսական բարեկեցությունը՝ նրա համայնական սեփականությունից:

Մի հասարակության մեջ որքան շատ ու բազմատեսակ լինեն ընդհանուրին պատկանող սեփականություններն ու հաստատությունները, նույն չափով բարձր կլինի նրա բարօրության աստիճանը և նույն չափով սակավ չարիք կգործվի նրա մեջ: Կարճ ասել՝ համայնքի բարեկեցության և երջանկության աղբյուրը նրա ընդհանուր սեփականությունից կարող է բխել»²⁸:

25 «Սուրհանդակ», 1909, № 35:

26 Ղ. Աղայան, Երկեր, հատ. 3, էջ 120:

27 Ղ. Աղայան, Ժամանակակից ատենախոսություն, էջ 44:

28 Նույն տեղում:

Աքսորավայրում եղած ժամանակ Աղայանը հրապուրվել էր ամերիկացի ուսուպիստ գրող Հոուարդ Բելամիի «Հարյուր տարուց հետո» գրքով. նա նույնիսկ փորձել է թարգմանել այն: Մենք ամենևին էլ մտադիր չենք ժխտելու Բելամիի թողած ազդեցությունը Աղայանի վրա, բայց արդարությունը պահանջում է նշել, որ իր համայնքի սոցիալական դադափարները նա ավելի շուտ ընդօրինակել է Բելինսկուց, Չերնիշևսկուց, Նալբանդյանից, որոնց աշխատություններին, հատկապես Նալբանդյանի «Երկրագործությունը որպես ուղիղ ճանապարհ» գրքին, լավ ծանոթ էր: Նա «Երկրագործությունը» համարել է «սոցիալական որոշակի սկզբունքներով»²⁹ գրված աշխատություն:

Որո՞նք են Աղայանի սոցիալական ուսուպիստի բնորոշ գծերը:

Նրա կարծիքով համայնքի սեփականությունը կողքին (չբաղաճները, անտառները, եկեղեցու եկամուտը, օդու գործարանները և այլն) յուրաքանչյուր գյուղացի պետք է մշակի միայն իր սեփական հողամասը: Սակայն համայնական և մանր-մասնավոր սեփականության միատեղ գոյությունը նա թողնում է միայն սկզբնական շրջանում, իսկ հետագայում ամբողջապես վերացվում է մասնավոր սեփականությունը և հաստատվում տնտեսական հավասարությունը:

Գյուղական համայնքում համայնքի բոլոր անդամներն էլ աշխատում են, զբաղվելով հողագործությամբ և արհեստով: Որպես աշխատանքային դաստիարակության միջոց, աշակերտները պարտադիր կերպով սովորում են որևէ արհեստ: Այստեղ բոլոր կանայք ազատագրված և զբաղեցնում են: Գյուղն ունի մաքուր, լայնարձակ և ծառազարդ փողոցներ, հիվանդանոց, դեղատուն, փոստ. հեռագրատուն, տպարան և սքանչելի դպրոց՝ երկու սեռերի համար:

Համայնքն ունի նաև դատավոր, բայց նա համարյա թե չի զբաղված իր հիմնական գործով, քանի որ մասնավոր սեփականության բացակայության շնորհիվ համայնքում տեղ չունեն շահագործումը, խարերայությունը և անբարոյական արարմունքը:

Այսպիսով, այն խոր դժգոհությունը, որը տարիներով կուտակվել էր Աղայանի մոտ ընդդեմ ցարական կարգերի, զարթեցրեց նրա մեջ սոցիալիստական դադափարներ, նա ելք էր փնտրում այդ չարիքները վերացնելու և ժողովրդի գրությունը բարելավելու համար:

Սոցիալական ուսուպիստի դադափարները Աղայանը պրոպագանդել է այն ժամանակ, երբ նրանք ապրել էին իրենց դարը, երբ սոցիալիզմը ուսուպիստից դարձել էր գիտություն, երբ Մարքսի ու Էնգելսի գիտական սոցիալիզմի ուսմունքը տարածվում էր Ռուսաստանում և Հայաստանում: Աղայանը իր ժամանակին հետաքրքրվել է Մարքսի և Էնգելսի ուսմունքով և որպեսզի հասկանա նրանց, դիմել է օժանդակ գրականության, միամտորեն կանգ առնելով ամերիկյան ուսուպիստ Հոուարդ Բելամիի վրա: Այդպես էլ նա չկարողացավ հասկանալ գիտական և ուսուպիական սոցիալիզմի տարրերությունը: Աքսորավայրից Հ. Թումանյանին ուղարկած նամակում Աղայանը գրել է, որ մտադիր է թարգմանել Բելամիի վեպը, որ Մարքսի և Էնգելսի ստեղծագործությունները մատչելի չեն իրեն: «Ընթերցելով Բելամիի գիրքը — գրել է Աղայանը, — կարելի է յուրացնել այն բոլորը, ինչ ասել են Մարքսը և Էնգելսը ու նրանց նման հեղինակները»³⁰:

Թեև Աղայանը սոցիալական ուսուպիստի մասին խոսել է բավական ուշացումով, այնուհանդերձ նրա արտահայտած մտքերն ունեցել են առաջադիմական նշանակություն հայկական պայմաններում այն նկատառումով, որ նա պեսիմիզմի դիրքը չի ընկել, այլ հավատացել է ժողովրդի ուժին: Մեծ օպտիմիստը հաստատ հավատում էր, որ աշխարհի երեսից կվերանան բոլոր անարդար կարգերը և հանուր մարդկության համար կգա երջանիկ ապագան՝ իր շողջողուն և լուսափայլ ճառագայթներով: «Եվ իմ արևը չպիտի մայր մտնի, — գրել է Աղայանը, — մինչև չտեսնեմ արդարությունը վերականգնված իր լուսափայլ ճառագայթներով, մինչև չտեսնեմ եողլխյա օշափռ չախչախված, քարացած քաղաքը շունչ առած»³¹:

Բայց Աղայանը ի վիճակի չէր հասկանալու, որ միայն կապիտալիզմի զարգացումը և բանվոր դասակարգի համախմբվածությունն ու կազմակերպվածությունը կարող են հող ստեղծել սոցիալիզմի հաղթանակի համար:

* *

Ուշագրավ են նաև Աղայանի արտահայտած մտքերը պատմության մեջ ժողովրդական մասնաճանների և անհատների դերի մասին: Նա ընդհուպ մոռենում է այս հարցի գիտական լուծմանը:

²⁹ «Հայ գրողներ», 1910, Նալբանդյանի կենսագրական տեղեկությունները՝ գրված Աղայանի կողմից:

³⁰ «Գրական ժառանգություն», Դ. Աղայանի նամակը Հ. Թումանյանին 20/X 1898:

³¹ Դ. Աղայան, Երկեր, հատ. 4, էջ 269:

Ահա թե ինչ է դրել նա 1894 թ. «Մեծ մարդկանց մասին» իր հոդվածում. «...Մեծ ազգի զավակները որքան էլ որ մեծ լինեն, զուրկ են խոնարհում ժողովրդի առջև և իրենց զործունեությունը նրա առաջադիմությանը նվիրում»։ Կամ՝ «Մեծ պետք է համարել այն անհատներին, որոնք աշխատում են ժողովրդին ազատել այդ խավարի արբանյակներից և առաջնորդել նրան դեպի լույս ու ճշմարտություն, դեպի բարին և կատարյալը»³²։ Մի ուրիշ հոդվածում էլ այն միտքն է հայտնում, թե այդ մեծ մարդիկ, որոնք ծնունդ են հասարակության վերին խավերի, «իջնում են դեպի ցածր խավերը, որպեսզի բարձրացնեն նրանց»³³։

Ճիշտ գնահատական տալով ականավոր անհատների զործունեությանը, Աղայանը պրանոլիսկ ճիշտ է հասկացել ժողովրդական մասսաները դերը պատմության մեջ։ Չհամաձայնվելով ԲաժՖու «Ժամանակի գտնվում է պոետների ձեռքին» տեսակետի հետ, Աղայանը առարկել է. «Ո՛չ։ Բանաստեղծը մի շատ համեստ մարդ է. նա յուր ժամանակի «խալխի նոքարն է», նրա թերությունների պահարկողը, նրա արժանավորությունների գովողը... Բանաստեղծը ժողովրդի լեզուն է, նրա սրտի հայտարարն ու թարգմանը։ Վերջապես բանաստեղծը ժողովրդի ծնունդն է և ոչ ժողովուրդը՝ բանաստեղծի»³⁴։ Այնուհետև Աղայանը ամփոփում է իր այդ տեսակետը, ասելով. «Մի՞թե մեկ մարդ կարող է սվելի մեծ լինել, քան թե մի ամբողջ ժողովուրդ, քան թե ամբողջ մարդկությունը»³⁵։ Իսկ «Մի երես մեր նորագույն պատմությունից» աշխատությունում (1890) բմբոստանալով ներսևս կաթողիկոսի անարդարությունների դեմ, նա ավելի է դարգացնում իր այդ առողջ մտքերը. «Ով որ իրան ազգից բարձր է համարում և իշխում նրա վրա, այնպիսին մի կուռք է, որին պետք է կործանել, այլ ոչ պաշտպանել»³⁶։

Մերկացնելով ունակցիոն կղերականության դադափարախոս բարրիկ Այվազովսկու մտքերի սնանկությունը մեզ հետաքրքրող հարցում, Աղայանը գրել է. «Ճշմարիտ առաջնորդը նա է, որը ժողովրդի առաջը չի կտրիլ, նրան չի կանգնեցնիլ իր քիմքի ուղած տեղում, այլ կերթա նրա հետ ձեռք-ձեռքի տված, համախոհ և համամիտ առաջադեմ մտքի տեր եզոդ մարդկանց հետ»³⁷։

Չնայած որ Աղայանը առանձին անհատների և ժողովրդական մասսաների գնահատման ժամանակ հանդում է մատերիալիստական որոշ եզրակացությունների, սակայն դա դեռևս չի խոսում այն մասին, որ նա հասարակության պատմության ընթացքը բմբոսնել է մատերիալիստորեն։ Այս հարցում ևս Աղայանի մոտ կան հակասություններ։ Նա արտահայտել է ոչ ճիշտ տեսակետներ մեծ անհատների մասին. «Մեծ մարդը մեծ կիրք ունեցողն է»³⁸, և դա «տիեզարական և անսխալ» օրենք է³⁹։ «Մեծ մարդ լինել և փառասեր չլինել՝ անկարելի է և անբնական»⁴⁰։ «Պատմությունը ցույց է տալիս մեզ, որ ամենամեծ մարդիկը զործում են և մեծամեծ խայտառակություն և չարագործություն»⁴¹։

Հայտնի է, որ պատմության մատերիալիստական բմբոսումը պահանջում է ընդունել հասարակական կեցության առաջնայնությունը և հասարակական գիտակցության ածանցյալ լինելը։ Այս հարցում կատարելով մի շարք ճիշտ ենթադրություններ, Աղայանը, այնուամենայնիվ, սոցիոլոգիայի բնագավառում կանգնած էր իդեալիզմի դիրքերում։

32 Ղ. Աղայան, Երկեր, հատ. 3, էջ 376։

33 Տե՛ս «Աղբյուր», 1890, № 3։

34 Ղ. Աղայան, Երկեր, հատ. 3, էջ 266—267։

35 Տե՛ս «Արարատ», 1869, հունիս, էջ 27։

36 Ղ. Աղայան, Երկեր, հատ. 3, էջ 295։

37 Նույն տեղում, էջ 47։

38 Ղ. Աղայան, Երկեր, հատ. 4, էջ 372—373։

39 Նույն տեղում։

40 Նույն տեղում, էջ 373։

41 Նույն տեղում, էջ 376։

К ВОПРОСУ О ФИЛОСОФСКИХ И СОЦИОЛОГИЧЕСКИХ
ВОЗЗРЕНИЯХ Г. АГАЯНА

А. Н. АВТАНДИЛЯН

(Р е з ю м е)

В трудах, публицистических статьях, мемуарах и письмах известного армянского писателя и педагога Газароса Агаяна рассматривается комплекс интересных педагогических, филологических, социологических и философских вопросов. В настоящей статье дано краткое изложение некоторых социологических и философских воззрений Агаяна, анализируется его точка зрения о соотношении бытия и сознания, взгляды по теории познания, этике и эстетике.

Колебания между идеализмом и материализмом, наличие элементов электицизма, несомненно, говорят о слабых сторонах мировоззрения Агаяна; однако он всячески старался отойти от идеализма и мистики. Все же несмотря на то, что у Агаяна имеется ряд верных положений, он не сумел окончательно избавиться от идеалистических оков и выступить как последовательный материалист.

В связи с философскими и социологическими воззрениями Агаяна в статье показывается также его борьба против духовенства.

Как демократ-просветитель, Агаян основным фактором общественного развития считал науку и просвещение. Однако характерно и то, что он смог понять значение экономического фактора. «Моральное состояние народа,—писал Агаян,—зависит от его экономического состояния, а экономическое благополучие—от его общественной собственности».

В статье анализируется социальная утопия Агаяна, рассматриваются его высказывания о роли личности и народных масс в историческом развитии. Делая ряд правильных и ценных предположений по этим вопросам, Агаян тем не менее и в вопросах социологии стоял на позициях идеализма.